

Ditlamorago tša Motšhelo tša kgogo ya tšhelete go tšwa go *Two-Pot Retirement System*

Tshwane, 23 Agosetose 2024 – Batho bao ba nyakago go goga tšhelete go tšwa dipolokelong tša *Two-Pot Retirement System* (Mokgwatšhomo wa Tholomodiro wa Pitša-Pedi) wa go tloga ka la 1 Setemere 2024 ba swanetše go ba ba ngwadišitše bakeng sa motšhelo. Batho bao ba sa ngwadišago ba swanetše go ngwadiša pele ba dira dikgopelo go sekhwama sa maleba. Ge eba motho ga se a ngwadiše bakeng sa motšhelo, kgopelo ya taetšo ya motšhelo yeo e tšwago go sekhwama go ya go SARS e tlo ganwa.

Dikabelo go dikhwama tša go rola modiro a di tšheledišwe. Ka fao, motšhelo o tlo gogwa go tšwa go palo efe goba efe yeo yeo e gogilwego. Motšhelo o tlo hlakantšhwa ka tekanyo ya motšhelo yeo e dirišwago go motho ka noši.

Balefela motšhelo ba swanetše go kgonthiša gore ga ba na dipušetšo tšeo di šaletšego gape ga ba kolote SARS. Sekoloto seo se kolotwago go SARS se tlo gogwa go tšwa go tšhelete yeo e gogwago. Balefela motšhelo ga ba swanela go ya diofising tša SARS, ka ge dikgopeo tše dintši di hwetšagala go enngwe ya dikanale tša SARS tša ditšithale goba tša selefounu.

Maloko a sekhwama sa go rola modiro ba ka ngwadiša bakeng sa motšhelo ka go diriša kanale ya eFiling go www.sarsefiling.co.za goba SARS MobiApp. Gape ba ka diriša SARS Online Query System (SOQS) go wepsaete ya SARS ya (www.sars.gov.za) go ngwadiša Motšhelo wa Letseno la Mong. Ge eba ba šetše ba ngwadišitše, ba ka diriša SOQS go lekola nomorotšhupetšo ya bona ya motšhelo. Kgopelo ya taetšo ya motšhelo ke molaodi wa setlamo e ka dirwa fela ge leloko le tšeere sephetho sa mafelelo sa go dira kgopelo yeo.

Morago ga ge molefela motšhelo yo a ngwadišitšwego a dirile kgopelo, sekhwama sa phenšene se tla dira kgopelo ya taetšo ya motšhelo go SARS. Taetšo yeo e tšweletšego e laetša sekhwama gore ke palo e kaakang ya motšhelo yeo e swanetšego go gogwa. Ge eba molefela motšhelo o obamela ka botlalo, go tla tšea diiri tše 48 gore SARS e ntšhe taetšo ya motšhelo go sekhwama sa phenšene yeo e swerego tshedimošo ka ga sekoloto sa motšhelo sa leloko la sekhwama sa phenšene (gore ke palo e kaakang ya motšhelo yeo e swanetšego go gogwa go tšwa go kgogo ya tšhelete).

Pele ga ge palo ya mafelelo e lefelwa go mokgopedi, sekhwama sa phenšene se tla tsebišwa gore se dire dikgogelo dife goba dife tšeo di šaletšego legatong la SARS pele ga ge tefelo efe goba efe e dirwa go leloko. Ge eba motho o na le peakanyo ya tefelo ya sekoloto le SARS, kgogo ya tšhelete e ka se amege. Ge eba go nale sekoloto seo se kolotwago go SARS, se tlo gogelwa go ya ka peakanyo yeo.

Balaodi ba Sekhwama ba hlohleletšwa go dira tekgo ya kgwebo le SARS, gore tshepetšo ye e se thatafe ge dilo ka moka di thomiša. Sebaka se sa le gona go fihla ka la 30 Agosetose 2024.

Sehlakantšhi sa motšhelo se a hwetšagala go eFiling le wepsaete ya SARS go (www.sars.gov.za) go thuša maloko a phešene ka taetšo ya palo yeo ba ka e letelago

ya ditefelo. Tshedimošo ya maleba ya nnete e swanetše go fiwa go hwetša tekanyetšo ya maleba ya tefelo.

Ditlamorago tša motšhelo tša maloko a setlamo sa phenšene bao ba golago ka fase ga morumo wa motšhelo gomme ba dira kgogo ya tšhelete go pitša ya polokelo e ka se feleletšwe fela ka Setlha sa go Faela sa Motšhelo ge motšhelo wa letseno o bapetšwa, o tšheledišwa ka 18%.

Leloko leo le dirago kgogo ya tšhelete go pitša-pedi o tla be a sa ntše a le mošomong, gape, ka fao, o tla be a gola mogolo wa mošomong, wo o tlo go ba o ka se bego godimo ga morumo wa motšhelo, go ya ka ditetelo tša kgogo ya tšhelete — palomoka yeo e tlo tlaletšwago go letseno la mošomong.

Molawana wa tlhatlho ka ga palo ya motšhelo wo o lefelwago ke gore palo ka moka yeo e gotšwego goba e gogilwego go tšwa go sekhwama e tlo laola tekanyo ya mafelelo ya motšhelo. Kgogelo efe goba efe ya ka fase goba ya go fetiša go tšwa go kgogo ya tšhelete ya pitša-pedi e tlo lefelwa bakeng sa molefela motšhelo goba SARS ka tekolo ya ngwaga ka ngwaga ya Setlha sa go Faela.

Ge eba leloko le kgetha go se dire kgogo ya tšhelete go tšwa go polokelo ya pitša pele le rola modiro, tšhelete yeo e šetšego e tlo tšheledišwa bjale ka kholego ya sekhwama sa palotlalo e kgolo ka tholo ya modiro. Ditekanyo tše tša motšhelo gantši di tlase go feta magomo a ditekanyo tša motšhelo tšeo di dirišwago go dikgogo tša tšhelete pele ga go rola modiro.

Maloko a sekhwama sa phenšene ba hlohleletšwa gore ba se ke ba etela makala a SARS. SARS e dirile dikanale tša ditšithale tša go dirišwa gabonolo go thuša maloko a sekhwama sa phenšene, gammogo le dikanale tše di latelago tša diselefounu:

- WhatsApp: boloka nomoro ya WhatsApp ya SARS e lego, 0800 11 7277, go lenaneo la dikgokaganyo tša gago. Go thoma potšišo ya gago, tlanya “Hi” goba “Hello”.
- Nomoro ya SMS 47277 goba khoutu ya *134*7277#

Go hwetša tshedimošo ya phatlalatšo ya ditaba, ikgokaganye le SarsMedia@sars.gov.za